



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

3. Morale.

[urn:nbn:de:hbz:466:1-68709](#)

In medio torus est, ebeno sublimis, in antro
Plumeus, unicolor, pullo velamine tectus,
Quod cubat ipse Deus, membris languore solutis.
Hunc circum passim varias imitantia formas
Somnia vana jacent.

De Somno Silius lib. 10.

----- curuōque volucris.
Per tenebras portat medicata papavera cornua.
Et paulò pōst:

----- quatit inde soporas
Devexa capiti pennas, oculisque quietem,
Irrorat, tangens Letheā tempora Virgā.

Homerus: *καὶ γὰρ ὅνες εἰς Δίος ἐστιν.* Etenim somnus à Jove est: quia
& insomnia dicta sunt διόπουλα, id est, à Jove missa: & θεῖαι οὐφαί, id
est, divinæ voces, & Δίος αγγελοι. Jovis nuntii.

II. (b) Theologis quadruplex somniorum genus est. *Naturale*,
Morale, à *Dæmone*, à *DEO* immissum. Naturalia sunt, quæ corporis
bonam, malāvē temperiem, stomachum oppletum aut vacuum sequun-
tur: ex his bona, maláve valetudo dignosci potest. Hinc medicorum
antesignanus Hippocrates librum de insomniis conscripsit. Homo tristis,
tetricus, & quem atra bilis exercet, jam novit sua somnia: fatigari, cade-
re, angī, lacrimas fundere, humi repere, latebras quærere, pericula sub-
ire, inter mortuos agere, tristia quæque audire, creberimum illi, pené-
que quotidianum. Qui multi & boni sanguinis sunt, somniantes hilas-
cunt, tripudiis intersunt; rident, currunt, volant. Atque hæ melio-
res aut deteriores affectiones, bonos, malosve corporis habitus aperte fa-
tis enuntianr.

III. (c) *Moralia* è cogitationis, dictis, & factis diurnis proveniunt.
Hinc somnia Tullius cogitationum & negotiorum diurnorum reliquias ap-
pellat. De divinat. Et Claudianus in 6. Honorii Consulat.

Omnia quæ sensu volvuntur vota diurno,
Tempore nocturno reddit amica quies.
Venator defessa toro cùm membra reponit,
Mens tamen ad silvas, ac sua lustra redit. &c.

Hinc judex lites, auriga currus & equos, agricola & sitiens fontes
& aquas, poëta versus somniat, avarus pecunias numerat, famelicus epu-
las tractat. Sic Theseo, Herculis consobrino facta illius præclara etiam
in

(b) *Quadruplex somniorum genus. Naturale. (c) Morale.*



in somno occurrabant. Plut. in Theseo. Sic Themistocli Miltiadis Persica trophæa non modò somnum adimebant, sed & somnia condiebant. Idem. Sic Darium Persarum Regem anxium instantibus curis (nam prœlium instabat cum Alexandro committendum) agitabant etiam per somnum imminentium rerum species, quas ægritudo mentis accersit. Curtius lib. 3. c. 7. Sic M. Marcellus Cons. tanto cum Annibale dimicandi ferebatur studio: ut sèpè etiam in somnis, singulari certamine, cum eo sibi videretur congregari. Plut. In eius vita. Sic quidam somniabat morderi se lethaliter à marmoreo leone, ex his, qui in templorum vestibulis corni solent. Die autem postero, cùm templi fores casu præteriret, leone spectato, non sine risu somnium suum inter comites narravit, & manu in apertum os illius protinus injecta, dixit: *en nocturnus hostis meus*. Scorpio itaque, qui in imis faucibus leonis delitescebat, lethaliter eum vulneravit. Petrarch. Nec raro conscientia scelerum animum etiam per quietem cruciat. Sic Nero Cæsar nunquam somniare solitus, nisi post interfactam matrem, cuius manes etiam dormiens sentiebat. Sueton. Ex moribus hæc petuntur somnia.

IV. (d) A dæmone immissa veniunt, qui celer, & vafer artifex, ipsis etiam somniis, si Deus annuat, ad peccandum trahit. Cùm Pontius federet pro tribunali, capitalem sententiam jam dicturus in Christum, nuntius advolat à conjuge, quæ oblatō sibi somniō, maritum sollicitè monebat: *Nihil tibi & justo illi. Multa enim passa sum hodie per vi- sum propter eum*. Nempe diabolus omnem movit lapidem, omnem ex cogitavit stropham, ut Servatoris necem impediret. Idem veterator ut onirocriticam, seu artem divinatoriam ex somniis confirmet, simplicesque mortales noxiis superstitionibus involvitat, multa revelat onirocritis, auguribus, divinatoribus, quibus & ipsos, & per eos seducat quā plurimos, & sibi mancipet. Sic quidam somniārat, se videre ovum ex lecti cubicularis fascia dependens. Id somnium retulit ad conjectorem: hic jussit, ut eo loco foderet; defossum enim esse thesaurum: fodit; invénit; & argenti paululum detulit ad conjectorem, de auro dissimulans. Tunc conjector: Quid? nihilne de vitello? id est, de auro?

V. (e) Sunt somnia à Deo oblata. *Si quis fuerit inter vos Prophe- ta Domini, ait ipse, in visione apparebo ei, vel per somnum loquar ad illum.* Num. 12. Quod Jobns confirmans: *per Somnium*, inquit, *in visione no- cturna, quando irruit sopor super homines, & dormiunt in lectulo.* Tunc aperit aures virorum, & erudiens eos instruit disciplina. c. 33. Ita So-

mnia

(d) *A diabolo immisum.* (e) *A Deo oblatum.*